



名相贊引

自古宰相之職佐天子總百官理萬事
其任重矣然得其人則治不得其人則

否而人得否則又

君

上少亂

之謂人否也予間閱史

之見明良相逢世臻熙皞終始哀榮
者輒擊節抵掌為之低徊羨慕與不可
及之慨一遇陽消陰長小人得志君子
受禍危及宗社未嘗不扼腕傷心談虎

而色變矣尚幸天理人心之公有不可
泯君子雖或屈於一時而必伸於百世
則又可為賢者勸故不量菲薄輒取漢
唐宋之賢相其才德優異志節剛方有
裨於代理者皆為之采摭其事迹或彙
括其大要至引用其成語協諸音韻各
製贊詞以致傾慕之意於万一雖有纖
瑕微誤終遭不幸者亦所不棄其更事

二姓嫉賢醜正頗稱才智者一无恥焉
蓋得八十有七人彙而命之曰名相贊
嗚呼三代而下若漢若唐若宋皆文明
治盛之時而號稱名相亦不多得語曰
才難詎不信哉

弘治甲子春二月初吉

賜進士出身資政大夫

太子少保兵部尚書兼

翰林李士知

制誥同脩 國史兼

經筵官致仕七十八翁澄江居士尹直正

言引并書

名相贊目錄

漢

相國文終侯蕭公何

相國懿侯曹公參

右丞相曲逆侯陳公平

右丞相終武侯周公勃

丞相故安節侯申屠公嘉

大司馬大將軍博陸宣成侯霍公光

車騎將軍純敬侯金公日碑

丞相高平憲侯魏公相

丞相博陽定侯丙公吉

前將軍領尚書事蕭公望之

卷二

東漢

太傅高密元侯鄧公禹

大司徒都陽侯伏公湛

大司馬司直宣公秉

大司徒司直王公良

大司徒司直杜公林

司徒袁公安

太尉楊公震

尚書令左公雄

尚書令尹公勲

太尉楊公秉

太尉參錄尚書事李公周

太尉杜公喬

太尉陳公蕃

蜀漢

丞相武侯諸葛公孔明

卷之三

唐

太尉梁國房文昭公玄齡

司空梁國杜成公如晦

司空鄭國魏文貞公徵

太尉檢校中書令長孫公無忌

尚書右僕射贈太尉褚公遂良

侍中兼太子賓客韓公瑗

中書令檢校吏部尚書來公濟

同鳳閣鸞臺平章事狄文惠公仁傑

中樞公彥範敬公暉中書令崔公玄

晞表公恕已

太子少傅贈司空許國蘇文忠公環

紫薇令梁國姚文獻公崇

尚書右丞相贈太尉宋文貞公環

右丞相贈太師燕國張文貞公說

尚書右丞相曲江張文獻公九齡

太子少師韓文忠公休

太尉尚父郭忠武王子儀

同紫薇黃門平章事許國蘇文忠公

砥

同中書門下平章事蕭公復

中書侍郎同中書門下平章事陸宣

公贇

中書令贈太師裴文忠公度

中書侍郎同中書門下平章事楊文

簡公綰

中書侍郎同中書門下平章事崔文

貞公祐甫

中書侍郎同中書門下平章事李貞

公絳

兵部侍郎同中書門下平章事柳貞

公渾

太尉衛國贈左僕射李公德裕

卷之四

宋

門下侍郎尚書右僕射李文正公沆

太子太師許國呂文穆公蒙正

司空贈司徒張文定公齊賢

右僕射太子太保呂正惠公端

平章事贈太傅畢文簡公士安

太尉兼侍中魏國王文正公旦

工部尚書同中書門下平章張文節

公知石

太子太師祁國杜正猷公衍

太子太傅萊國寇忠愍公準

左僕射追封燕國向文簡王敏中

太子太傅李文定公迪

尚書禮部侍郎叅知政事魯剛簡公

宗道

禮部侍郎叅知政事蔡文忠公齊

同平章事兼樞密使晏元猷公殊

司徒兼侍中魏郡韓忠獻王琦

司空韓國富文忠公弼

太師潞國文忠烈公彥博

叅知政事戶部侍郎范文正公仲淹

太子少師歐陽文忠公脩

尚書左僕射溫國司馬文正公光

司空同平章軍國事呂正獻公著

尚書右僕射范忠宣公純仁

尚書右僕射呂正惠公大防

尚書右僕射劉忠肅公摯

尚書右僕射趙郡蘇公頌

卷之五

南宋

尚書左僕射兼門下侍郎李公綱

尚書左僕射豐國趙忠簡公鼎

少師贈太師張忠獻公浚

少師魏國陳正獻公俊卿

少保雍國虞忠肅公允文

尚書右僕射曾國陳文正公康伯

右丞相儀國梁文靖公克家

少傅益國周文忠公必大

右丞相追封周王趙忠定汝愚

右丞相文忠烈公天祥

名相贊目錄終

名相贊卷之一

澄江居士尹直著

漢

相國文終侯蕭公何

豐沛同與板麟附翼象取金帛獨收圖籍
首舉國士惟其先識巴蜀三秦收定撫輯
卒補軍轉漕給食養民致賢制律治曆
竭財佐師善避嫌隙發縱指示論功第一

父母昆弟咸受封邑河山帶礪永世無斁
相國懿侯曹公叅

漢高龍具豪傑奮鷲赴懿侯出將入帥
攻城掠地靡戰不利相齊師蓋清淨簡易
預托後相勿擾獄市促裝侯召入代何位
選用淳謹斥去苛吏日夕飲酒胡弗事
帝疑少朕俾子示意曰非汝知其趣入侍
帝詰厥由曰豈敢肆高帝与何創制定議

臣与陛下自度孰智法令既明天下已治
所宜君臣遵守勿二帝曰俞哉休矣姑置
民訶寧一慶流苗裔

右丞相曲逆侯陳公平

美如冠玉豈有長貧志宰天下如社分均
歷魏去楚卒歸漢廷扶金行間親護諸軍
秘謀奇計世莫得聞贊誅諸呂迎立孝文
独任燮理不对刑名自訟陰禍後矣由具

右丞相絳武侯周公勃

吹簫織薄逢時奮且累從攻戰勇敢先登
可屬大事高帝有稱孰謂木強而不好文
誅呂安劉社稷勛臣

丞相故安節侯申屠公嘉

早事高帝累從攻擊出守淮陽荐加封邑
進擢大夫代蒼相賊孰謂寡季而獨廉直
召責嬖通帝莫能匿首尽出血奉旨乃釋

疾錯用事多所變易迨侵廟壞乃請誅殛

帝喻優容心犹忿悒剛毅之節其疇可及

大司馬將軍博陸宣成侯霍公光

天性端正儀觀魁梧早由蔭叙累官大夫
進止有節尺寸弗踰宿衛孝武三十年餘
賜圖示意謂可託孤進大司馬秉國鈞樞
擁昭立宣伊周同符宗社有賴四方無虞
功德隆茂恩寵優殊惜陰妻謀身後家屬

車騎將軍純敬侯金公日碑

早以卞入嗣天駟容貌修嚴目无忤視
惟茲篤慎上寤主意出則駟乘入則近侍賜
姬不近帝益嘉異卒副宣成克定大事輔
政歲餘奄終于第勒功上將傳國後嗣世
名忠孝七葉榮貴賢矣盛哉豈係世類

丞相高平憲侯魏公相

策奔賢良孝寔精微最冠守全進踐台司

損抑霍氏以全恩私草去副封以杜救欺
毋乘弊毋輕出師好觀故事教陳便宜
四方灾變輒奏言之中興名相適遭盛時
丞相博陽定侯丙公吉

起家獄史積功累官徵治巫蠱保護曾孫
乃投機會奏記將軍曾孫嗣極絕不自言
伊誰引証功乃上聞帝嗔報晚封邑加恩
及居相位好礼尚寬不案脏吏不罪汙茵

鬪傷不同牛喘自是詢曰氣失節孰任調
鈞荐賢稱取帝褒知人丙魏賢相今古同
稱

前將軍領尚書事蕭公望之

堂：不撓博孝洽聞射策甲科署候東門
尋以察廉遷治礼丞材堪宰相孝慮宣知
名疏陳策異議論深宏省章決策處白輒
行試政出守書奏復徵語侵時相乃貽詰

懲左迂官傳啓迪儲君受遺輔政進前將
軍嘉猷日告舊傳益尊選用儒李左右規
繩請易恭顯拒絕邪朋謀洩際隙開卒為
所傾惜遭庸暗徒尔震驚

名相贊卷之一終

名相贊卷之二

東漢

澄江居士尹直著

太傅高密元侯鄧公禹

內蘊文明篤行淳脩早識潛龍傾意親比
及聞起兵杖策從事宿止帷幄參決謀議
分兵西徇威行惠施關河響應吊民置吏
及拘挫師兵散糧匱還謝宜陽騎纒廿四

解印褫官恬不介意復拜將軍統護諸帥
破走延岑功成名遂惟慮滿盈此心揣
有子十三各守一藝資用國邑不修產利
明帝惇功益加寵異圖像雲臺允宜首位

大司徒都陽侯伏公湛

家傳儒孝早領旌麾行為世表經為人師
遭時雲擾真人是歸召拜台省參決政机
智慮謀畧足副倚毗奉行鄉飲典定旧儀

鬢髮厲志白首不哀微誤被斥就國棲遲
孰為推荐南陽杜詩復起進見中暑陷危
卒賜秘器帝親吊祠

大司馬司直宣公秉

少脩高節遭時反覆固却新徵乃甘雌伏
光武中興拜三
獨坐尋進司徒參秉鈞軸
務奉大綱簡畧繁酷性素清儉蔬食布服
所得俸廩推養親族帝嘗嘆嗟賜賚優綈

世治其清激彼墨黷

大司徒司直王公良

早嗜古孝耻仕莽新教授諸生常千餘人
光武知名徵拜諫臣以礼進止忠言屢陳
進位司徒清儉寡倫布被瓦器妻至曳薪
行雖通中實出手誠上高其節下服其清

大司徒司直杜公林

沉深好孝博洽多聞徃來避難室持壁經

烈士見義每全其生光武徵起累進公卿
周密敬慎選奉公平據今酌古論礼設刑
堯非郊配刑宜從輕率遵旧制毋為紛更
相號稱職允惟時評

司徒袁公安

允毅即公早奉明經荐更劇郡政號嚴明
平反楚獄誣服更生保全士夫不以贓刑
累進司空術下闇下諫沮竇戚用綏北庭

引誼雅正匪躬王臣天子百辟恃為國損
仁心陰德覃及後人

太尉楊公震

關西夫子博學多識早辭祀命晚歷郡邑
三鱣集堂四知却密不用產業遺後清白
荐進三公廉方抗直論斥嬖陰沮抑宦戚
朋諛矯誣山頽棟折大鳥悲望帝徒悔惜
汗青著名累葉載德

尚書令左公雄

早奉孝廉稍遷刺史累令尚書明達政理
推較災變辨論臧否久任守令限年奉士
沮封宋娥裁抑戚里請重九卿毋加笞捶
表章奏議時以為軌匡肅良多古今歸美

尚書令尹公勳

宋世衣冠宗族榮貴伯睦司徒兄頌太尉
獨察孝廉五迁顯位既令尚書茂熙帝載

預誅跋扈時功封采悃時克錮多所誣遂
上書解釋詞意輒凱轉大司農惟上簡在
名炳汗青世欽風槩

太尉楊公秉

少傳父業教授隱居晚應徵辟侍御初除
歷刺四州廉潔著譽召入勸講侍中尚書
極諫盤游帝意弗俞屢退屢進抗直亮渝
徵授太尉日進嘉謨抑絕橫拜以杜覬覦

屏斥叔官汰黜冗汙百司以肅三惑是祛
世濟厥美允稱華腴

太尉秦錄尚書事李公固

鼎角匿屏足履龜文好李尋師博覽典墳
詔奉對策定變脩陳歷守劇郡降盜弭兵
入持政柄廣奉賢能八使所刻請急誅懲
選卒廢置考察惟明盤游且戒廢政宜親
比遭不造輒說將軍願安社稷擇立長君

意忤权威怨結黃門飛章巧詆卒隕厥生
道亡時晦世悼忠貞

太尉杜公喬

發軔孝廉累官守相侍中奉使表奏允當
戚官濫爵封章獨抗前相既廢內外氣喪
獨立不撓朝野瞻望孰意权奸積忿快下
乘灾筆免遂與誣謗李固同殞暴久乃葬守
節觸祠惟義之尚

太尉陳公蕃

早志清世乃不逢辰抗論昏俗克樹風声
策協竇武期致治平孰意妖腐肆奸盜衡
露章汰斥反連搆傾武同被害棟折山崩
功雖不終名炳汗青

蜀漢

丞相武侯諸葛孔明

炎祚告終僅遺餘燼龍卧南陽起應三聘

首陳經濟區画素定曰彼魏吳孰如同姓
師行仁義兵列八陣流馬木牛人力莫競
七縱七擒式示叔劬歷事兩朝心殫力盡
出師二表伊訓說命大星墮營天胡弗慙
百世景仰惟忠惟正

名相贊卷之二終

名相贊卷之三

澄江居士尹直著

唐

太尉梁國房文昭公玄齡

有唐之興首相玄齡任公竭節夙夜勤誠
知人善任各尽所能明達利治緣飾儒文
議法處令務為寬平弥縫密勿不銜不矜
効以象美始終全名

司空梁國杜成公如晦

唐與首相房杜二公善謀善斷志協議從
臺閣制度憲物礼容率由裁定贊襄彌縫
君明臣良千載奇逢聿觀厥成傳不言功

司空鄭國魏文貞公徵

唐初輔弼有偉文貞規諷論諫犯顏批鱗
賢否理亂剴切周諄勸行仁義卒致治平
帝謂人鑑自擬良臣胡没未几猜譖遽行

高麗之役乃悔乃裡諒於遺直千古之稱

太尉檢校中書令長孫公無忌

机敏通悟博涉經史早從秦王征伐經理
贊誅達成定策太子文武足任匪緣戚里
懿績嘉庸太宗褒美受遺輔政兩朝眷倚
孰反天剛欲立武氏面折力爭竟莫能止
鄙哉讒夫誣以不軌貶斥誅夷惟武風旨
天理固存卒復其始追爵錄後灵其慤已

尚書右僕射贈太尉褚公遂良

博涉文史工楷隸書起家參軍累知起居
封禪征遼隨諫輒俞分別本支卒定皇儲
受遺輔政永徽有初王后將廢力爭尽愚
曰右名家亦素無辜若必改立請擇名姝
况武昭儀曾厠婕妤好經事先帝清議何如
還句叩頭流血款敷帝怒武詈卒致讒誣
累貶愛州身沒子誅厥後追贈公道昭孚

侍中兼太子賓客韓公瑗

少負節行博學曉吏侍郎襲爵荐登相位
軒龍動搖泣諫不置曰右輒易非社稷計
臣嘗詩讀太息褒姒不畜今日親覩茲事
先帝頽命遂良无忌論諫懇切一德无二
今俱貶逐罪出傳致上損帝明下折志士
顏寬无辜以慰輿議帝昏弗省諗无誣交
至有謂桂州用武之地瑗授遂良將者不

利既賤振州復遣按治屬瑗先殂發棺驗
視牝雞青蠅紊亂大器小人遺臭君子
奚愧女戎問唐豈天之意

中書令檢校吏部尚書來公濟

幼遭國難轉側流離薦季登第累踐華資
議處承乾帝有所咨曰全厥生庶不失慈
選擢儲輔馴致台司高宗顧問馭下所宜
曰宜省役勿奪農時陽明既撓欲立武姬

乃与褚韓力進諍辭曰毋天下務擇令儀
周文與似化自內施漢成立碑皇統中微
尋坐褚賤久復遠移突厥入寇總兵拒之
曰嘗註網蒙不誅夷今當塞責不甲而馳
遂没于陣給賜灵輜

同鳳閣鸞臺平章事狄文惠公仁傑

斗南一人明經早奔赴椽思親望雲延佇
代使絕域化悔同侶執辨獄疑屢回帝怒

宰邑刺州民輒祠姐侍郎持節江南巡撫
奏毀淫祠千七百所唐草而周吏酷於暑
搆捕置对承反无拒不聽指引血首觸柱
褚表上白乃出囹圄既貶而迁契丹是禦
尋復平章諫止師旅曰戍疏勒財竭民苦
雖不見聽公論攸与數議易儲始終抑沮
曰夢博輸鸚鵡折羽神明默告恍若面語
惟我太宗平定區宇德澤在人孰肯從武

况嗣以姪姑不廟祔惟子承祧母必配父
萬歲之後烝嘗時序反覆開陳武后頓悟
乃眷房陵以礼迎取力荐東之卒復慶主
取日虞淵名垂千古

天官侍郎同鳳閣鸞臺三品張公東
之侍中桓公彥範敬公暉中書令
崔公玄暉袁公恕已

五王提兵誅嬖臣張公首癸机謀神桓敬

崔袁心力并中具唐室无淹辰内外晏然
塵不驚盍誅武党需官刑孰知嗣主非英
明反為豎見妖后乘劫持戮辱如撲蠅不
然安李功全成何膏西京勃午平畢竟陰
消陽暈且推息褒卹覃後人

太子少傅贈司空許國蘇文忠公瓌

早奉孝弟歷迁州正最書恒多歲久乃進
博識旧章明曉法令按誅妖幻鄭普廷折

諛佞祝欽不効燒尾自護弗稱牝嘯鳴辰

帝杜門卧病睿帝乘乾仍起執政僕射進
迁竟考終命文貞易名司空是贈

紫薇令梁国姚文献公崇

唐明中具惟相克稱其相誰崇名姚姓

帝曰汝崇宜遂相朕要以十事從乃拜命

進同三品迁紫薇令十事脩奉惟上明信

應变成務救時輔政不求边功以弭边釁

三入中書四方底定用元之治唐於斯盛
尚書右丞相贈太尉宋文貞公瑒
夙度凝遠耿介端勁歷敬中外馴致執政
累護忠賢屢任嬖佞之場郡邪切齒帝獨尊
敬曰卿元老宜有遺朕時進嘉言寔啓天
聽乃迂右相庸示眷命政刑務清百職務
稱彼善應變此惟守正用元盛治相業莫
競

右丞相贈太師燕國張文貞公說

唐室盛時有相燕公敦尚氣節季同談通
歷鎮邊圉累奏膚功元忠被誣引証不從
東儲侍讀倦下納忠倡議封禪粉澤礼容
再入中書卓為宗工多引名士左右弥縫
中遭排擠幸保厥終君臣相得自古難逢
尚書右丞相曲江張文獻公九齡
策奉高第起自遐阨夙度醞藉季行兼優

居喪致祥紫芝白鳩歷躋華要累告嘉謀
千秋金鑑感動宸旒潤色帝制引用名流
胡雛亂華預為目憂沮相仙客忤旨招尤
乃抑乃貶終幸首丘帝思遺直賜祭松楸
太子少師韓文忠公休

早工文辭賢良擢第不務進趨直方峭厲
寧忤張說抗論均稅請治大奸徐治其細
得失盡言動有獻替帝鏡弗怡自斃體敝

左右進諫由休劫制帝曰用休為社稷計
每從休言退寢安寐上瘠下肥朕心寔契
功名始終若茲罕儂

太尉尚父郭忠武王子儀

天寶末年盜發羯虜孰為干城汾陽尚父
首提孤軍不避險阻轉戰逐北誼不還頽
六飛西狩伊誰當守幸有東儲即位靈武
克平兩京處遭惡詭奪兵柄退然用處

吐蕃入寇承命出禦收兵分屯夜散萬炬
賊疑且遁尚多首鼠復屯涇陽虜未覘詔
令公誠存可得一觀單騎免胄往見贊普
回紇羅拜宴飲歡叙擔好如初載奠區宇
遇人以誠猜忍謀沮八子七壻鷓鴣筵羽
領辨諸孫多壽多嘏

同紫薇黃門平章事許國蘇文憲公

砥

敏悟絕人心胸錦繡奉詔理寬多泛洗宥
一時禁筦父子斑筵典冊詔誥筆稱大手
鬼若湧泉口占分授蘇李並稱何有先後
与璟同相每共敷奏璟或少屈申辨左右
肆環膏襃僕射長厚莫如今相獻可替否
世濟厥美名實俱副

同中書門下平章事蕭公復

望闕高華躬素儒寒粥豎發廩賑飢停官

扈狩奉天匡濟艱難洎居相位披竭忠丹
諫用闕宦廷斥杞奸嚴方數忤詔許掛冠
既退復貶隨寓而安

中書侍郎同中書門下平章事陸宣

公贄

兩率制科再調邑尉五術八計為使者說
河北兵具奉詔條對緩急後先切中機會
涇師猝變扈從行在奏請報下机務填委

裁決精敏小心抑畏帝亦親倚呼以行輩
一夕道失殊深驚慨既得上謁君臣欣樹
嘗為上言宜加咎悔俾臣持筆无復忌諱
命下制書聞者墮泪人々感奮卒平大慙
既復京師勸行賞賚先奉祭告徐收卞潰
咸与維新滌其旧穢以安反側以堅歸戴
胡弗即相問於非類最後輔政奮庸熙載
可否尽言以匡不逮剴拂太過知者有謂

曰看无負敢皇自爰何佞濟昏意羅諫退
貶放遐荒杜門養晦順皇眷召仙游不待
奏訊累編岳休永代

中書令贈太師裴文忠公度

神規邁爽捧守堅貞文武具脩將相知名
累朝倚任四夷咸歆占對詳敏處置適情
強藩叛鎮以次削平進退用否係時重輕
儉人腐夫錫詆其成午橋蕭散式戒滿盈

賜詩注想及門已薨賜禮優綽配享憲庭
全德始終汾陽比稱

中書侍郎同中書門下平章事楊文

簡公綰

少孤素貧孝謹沉密左右皆書疑塵滿席
及冠制科累更華劇請奉孝廉人高其識
品裁清允元奸媚嫉擢處司成陽褒陰抑
帝心簡知超登相戢制麻甫頌中外慰懌

修習靡音聞夙屏息士有造謁視顏斂戢
官號廩祿刊定釐革太平旧制始復十一
天未欲治奄至易簣當宁震悼賻賵絡繹
視古孰俦楊震清白

中書侍郎同中書門下平章事崔文

貞公祐甫

世承禮法蚤擢高第累迁中舍遂攝省事
剛直不回屢折衮議知選除官衮輒駁異

忌同日深請貶散地帝悟衮欺即兩易位
屬時官賞繆紊失次推行至公不以嫌避
蓋未踰年除八百吏藩臣獻錢逆知其偽
反賜勞軍彼自慄愧時躓厥謨可復具治
胡用未究溘為殄瘁終始哀榮隆贈美謚
中書侍郎同中書門下平章事李貞

公絳

奉自宏辭有偉儀竇荐歷華要論諫切直

望重一時乃躋相朕帝樂頌对衣汗不息
骨鯁真相天語褒勅賢否太分謀邪交嫉
身殞叛兵忠在王室

兵部侍郎同中書門下平章事柳貞

公渾

早孤甫齒孰誅為僧曰去聖教不如无生

登第授官棄歸武寧山名召拜侍御不樂

檢繩丐外獲留補袞在廷刺袁使浙入為

右丞洙乱走避奉天扈行遂迁常侍累封

宜城尋拜平章参秉鈞衡帝嘗擇令喜諭

得人群臣皆賀独有閑陳曰此尹朕非帝

宜親帝嘗擇相下擇群臣京尹擇令乃宜

于民吐蕃講好帝擬盟成復独拜稽曰膚

无情未可遽喜臣憂方殷帝時怒乍忽報

劫盟帝謂儒生乃克知兵益見礼異首相

則嗔间遣親信戒勿狎下曰頭可断口不

能瘖卒為所擠退處欣一守正不撓允直
謚貞

太尉衛國贈左僕射李公德裕
卓犖明辨歷敷省署三按浙西四迂節度
丹衷有箴大明有賦豈飾詞華于以諷諭
斥絕異端不供粧具毀撤淫祠寇靡攸寓
浙俗丕變倫誼弗斁請却方士丹藥勿御
建樓籌邊畧分兩路指畫高訂或攻或成

兵精餉便戎虜震懼禁止鬯徒科約婦女
蜀夙頡草民知向慕疇比擠擯逢吉因孺
招耒維州亦挾私拒初入中書論劾訓注
尋遭徙貶朋奸作惡群邪旋敗帝亦悔悟
再召平章首陳党䟽辨別正邪借樹為喻
援古証今詳切明著泣救珥李復嗣楊卒回
帝怒勸棄安西贊征澤潞詔檄三鎮各以
兵助太原隨叛謂不可恕詰責覘使決策

往捕處報机急從容暇豫積刘弁楊弁許
遠途率附功擅中興他相莫与省汰冗員
奚怨足慮乃請戢兵乃力丐去丐去不允
擁宣踐阼奉冊將事帝忽心忤口近太尉
我髮森豎翌日改官東司留務仇部交攻
累貶司戶歿而見夢全孤絢寤急為陳情
遂獲还祔誌皇念功追贈如故人豈能為天
有定數

卷之三 終

名相贊卷之四

澄江居士尹直著

宋

門下侍郎尚書右僕射李文正公 沆
夙度端凝器識宏遠寢封内嬖沮用戚畹
連遵條制日陳水旱擯斥浮薄憂戒盈滿
聖相之稱古今攸罕

太子太師許国吕文穆公蒙正

質厚寬簡正道自持遇事敢言不回不欺
中書三入老成著龜明良交泰躋世雍熙
午橋休適嗣有阿宜

司空贈司徒張文定公齊賢

豐儀大畧起自孤寡獻策行宮受知藝祖
遺相太宗宣文振武九居八座四踐兩府
三公就第曠適容與

右僕射太子太保呂正惠公端

姿儀魁秀器量寬厚寵辱不驚持重有守
柔懷繼近存恤厥母鎖閉繼恩折沮李后
升殿審視乃拜稽首孰謂糊塗真可大受
納陞曷為尊禮耆耇

平章事贈太傅畢文簡公士安

方正沉雅慎行飭躬真皇咨相力荐某公
合請親征輿疾以從忠於謀國有古人風

太尉兼侍中魏國王文正公旦

秀鍾陰德久踐台司被謗不辨荐賢不私
救罪輒宥人固不知契丹假幣西夏告飢
裁決一言驚服兩夷天書之惑全德之疵
工部尚書同中書門下平章張文節

公知白

更踐中外不為身謀徇公守道言行取修
箴獻鳳宸諫止灵休名器是惜盈滿是憂
凜然清約賢相之儔

太子太師初國杜正獻公衍

清介勁正素不植私力却內降累辨刑疑
賢傑是引佞邪是禡孰攻范富獨左右之
胡相未久退授官師睢陽五老令名永垂
太子太傅葉國寇忠愍公準

剛方慷慨奇才大節守正嫉邪遇事立決
挽衣留諫面詆同列請幸澶淵竟成茂烈
胡弗令終定策語洩

左僕射追封燕國向文簡王敏中

夙骨秀異明敏溫良不利市舶不受賜賍
三居留守兩拜平章大耐官取恬淡有常
慶鍾神后三世封王

太子太傅李文定公迪

材稱公輔相自儲端禁中頗牧餉給民寬
危言正色陳善責難諫沮母右面詆同官
既退復相隨寓而安遺直之褒論定蓋棺

尚書禮部侍郎叅知政事魯剛簡公

宗道

蚤孤奮起荐歷華省疾惡少容剛方骨鯁
聲正銓格糾劾叔曠帝褒忠實不諱市飲
章獻臨朝詢及武牝曰唐罪人唐祚几泯
劉氏士廟孰為媚清廷臣莫对独致規警
章獻默然廟設頓寢帝幸慈孝詩名後輦先
引曰宜從子后即退屏魯直魚魚頭聲稱

耿

禮部侍郎叅知政事蔡文公忠齊
 儀狀俊偉奔上端重狀元得人寵給駟從
 歷任庶僚馴臻柄用糾彈无忌料虜克中
 論法讞疑不刻不縱太后遺誥廷擬遵奉
 乃白執政乃籲廷象曰上盛年政方親總
 稱制垂簾豈宜相踵太妃退沮中外歡
 動故旧不遺清詎攸頌

同平章事兼樞密使晏元献公殊

神童召試意氣自若帝愛不欺謂題曾作
 賦性剛簡自奉淡泊頽对慎密糾繩謬謬
 知人善荐布滿臺閣杖倖弗便章献不樂
 既退復起留侍經幄駕將視疾馳疏請却
 請首龜蚌御書曰李

司徒兼侍中魏郡韓忠献王琦

識量英偉天資朴忠廷初唱第慶雲弥空

奉賢存奸累進囊封西賊膽寒晝錦恩隆
歷相三聖調和兩宮成敗付天夙夜匪躬
社稷有賴定策元功

司空韓國富文忠公弼

惟天佑宋薦生彥國王佐之才公忠亮直
請開言禁賑活萬億兩使契丹載安社稷
歷相三宗百官劾飛語比諛賴上不惑
秦國捐養終喪是執退不忘君累陳得失

大政大疑來咨來即盛福耆年仁廟配食

太師潞國文忠烈公彥博

立朝端重顧盼有威臨事果斷鎮定危疑
歷事四聖中外倚毗出將入相名聞四夷
首建儲議帝褒輒辭功成身退眷禮不衰
洛社耆英潞國太師

叅知政事戶部侍郎范文正公仲淹

少有志操奮自羈孤感激論事制中上書

伏閣之諍百官之看夙節凜々具起懦夫
破膽有謠拔茅匪諛先憂後樂素志弗渝
當國未甚暮略施緒餘群邪醜正朋党是
誣用雖不究永有令譽

太子少師歐陽文忠公脩

有唐訖籙五季促文氣委靡詞澁縮宋具
百年元氣復昌黎去遠庐陵續力追古作
文郁々羽翼六經洗流俗海內師尊翕然

服優游館閣兼史局濟時行道心素萬犯
顏敢諫日忠告辨別邪正覽回逐從容進
退何曾谷入參執政副鈞軸預定大計宗
社福調和兩宮務敦睦群攻独辨緣訟濮
至今稱謂无歸宿是非較然孰榮辱山斗
斯文永尸祝

尚書左僕射温国司馬文正公光

顯允温公孝友忠信恭儉正直出于天性

幼能拯童擊甕水迸聞喜賜宴不簪絲勝
侃立朝奉賢弁佞儲位久虛累疏乃定新
法方行力辨廷爭自洛赴臨民呼有姓曰
公毋歸留執國政公尋入相務去太甚莫
甚新法劇草殆尽旋乾轉坤万民歡慶如
出塗炭如脫檻穽民胥与言天子明聖置
相得人活我民命元祐之治視前斯盛天
弗憖遺厥用未竟資治之鑑千古之令

司空同平章軍國事呂正獻公著

早辭召試恬退有稱簡重清淨李粹量宏
別別白邪正精於知人遇事善斷勸講簡
明好德樂善出於至誠与先並相協恭同
寅草罷新法甦困恤貧先疾既草付託諄
諄平章重事繼美先君邦國不幸棟梁遽
傾

尚書右僕射范忠宣公純仁

夷易寬簡孝友純誠李本忠恕允蹈終身
嘉謀說論悟主愛民力救蔡確毋治党人
宣仁被謗申辨諄君實過激規正循
不事牢籠不嫌好名請釋大防寧忤章惇
怡然就貶雖溺不嗔嗣君畱任以疾遂
世濟忠直人莫與倫

尚書右僕射呂正愨公大防

傾偉秀發威儀翼如持重朴直不植朋徒

八事九宜經國之謨歷陳家法帝用曰俞
曷嘗嫁怨過嘗邀譽居相八載一節不渝
群邪誣詆貶卒于途事久論定瑕不掩瑜
尚書右僕射劉忠肅公摯

峭直明銳氣節剛勁粵自登朝以至執政
脩明憲法辨自邪正進退賢否寔操其柄
勇於去惡群小攸病朋讒竒中貶謫惟命
天久乃定人卒不勝

尚書右僕射趙郡蘇公頌

器局宏遠博學洽聞議禮訂曆參酌精明
洎相哲宗專意守成遵奉故典弭兵息民
貢奉集議先行後文犯顏力辨伸宣獄情
恐奪衣冠請免杖黥士夫由此例不加刑
匪公厚德時替復是矜宜享高壽不罹惡
聲詩不云乎明哲保身

名相贊卷之四終

名相贊卷之五

澄江居士尹直著

南宋

尚書左僕射兼門下侍郎李公綱

金虜渝盟郊圻紛蹂烈烈李公文武兼有
力沮南遷且戰且守虜退公出二帝北狩
高宗嗣興召置左右嘉謀奇策動輒掣肘
相僅七旬用弗克寃屢進屢退不愠不咎

始終一誠如子恋母恢復不遂豈天寡佑
孔明之忠惟功之首

尚書左僕射豐國趙忠簡公鼎

允毅忠簡力行敢為初當言路獻忠出奇
洎居相位身任安危料敵制勝動中事机
再拜平章南北相持先固根本養成俟時
檢邪屢詆遐荒屢移丹心不改白首何歸
中興賢相舍公其誰

少師贈太師張忠獻公浚

南渡之初上下惴惴有莽魏公將相之器
忠義奮發艱險不避誅平僭逆攘却虜騎
用師得人所向如志胡以群言屢奮屢躡
忠愛之心矢死无異卓然人豪一時寡二

少師魏國陳正獻公俊卿

孝友敬忠好礼清肅粵自輔儲洎秉鈞軸
分別正邪心公論薦劾罷湯相还浚都督

正色危言 畜君之欲 動法先哲 歷荐儒宿
晦菴受知 述行臨哭

少保雍國虞忠肅公允文

大志重器 早負人望 晚際時艱 出入將相
采石一捷 摧金斃亮 忠炳汗青 世莫与尚

尚書右僕射魯國陳文正公康伯

臨事能斷 經濟自任 丞相不名 禮遇隆盛
金敵南侵 賴以鎮定 退而復召 敢辭以病

期紓國難 天胡弗慤

右丞相儀國梁文靖公克家

夙度秀整 才識優逸 洎登相府 眷寵尤渥
力護善類 忠於謀國

少傅益國周文忠公必大

剛正大才 帝屢見器 兩翼飛龍 克定大計
扶植正李 遑卹橫議 忠文耆德 御書輝
賁

右丞相追封周王趙忠定汝愚

孝友純誠宗英國器文武威風超登相位
遭國變故鞠躬盡瘁力贊受禪忠貫天地
胡彼諛人流言不利終於南丘金滕尚闕
天定勝人封王賜謚

右丞相文忠烈公天祥

大廈將隳一木莫支此公之時父母病危
無不用罄此公之詞國亡身夷大節不虧

日月爭輝宋三百期養士之施惟公報之

名相贊卷之五 終

題名相贊集後

宮保謇齋先生解相業而歸老澄江之上也留心著述以泚後進每誡人曰夫
事將有事君之責定志擇術則於昔之
名臣庸可弗究既嘗撰

皇朝名臣通錄以顯

昭代人物矣以為未及而三代以上之名
相表章於聖經者不待揄揚迺起漢迄

宋取相業之名世者始蕭文終文信
國得如干人掇其德功言人各為贊
各因人題曰名相贊雲嘗趨請益
先生授是編讀之語簡氣昌格嚴体粹
而去取公好尚端竊恠
先生身乎異代而其繪摹往哲言人
似撥微音若耳聆撮懿行如目擊且无
遺善无溢美約千古於一編談平生於

數語何其視難為易也昔晦菴之作六
君子贊論者謂惟其有之是以似之然
則有德者知人之德有才者知人之才
其

先生是編之謂乎自今凡有志臣節而
夢寐前休者脫獲披謂則不待旁搜博
考而一覽得槩仰止者悟其要領思齊
者識其因鍵而取醇棄疵會偏成全異

時出佐

聖君縣大一統之治於億萬斯年之久未
必不因是奮發則即

先生是編其有功世道已無讓古諸名
相矣語曰樂道人之善

先生之顯暴前脩以之詩曰示我周行
先生之啓迪後進以之此雲所以幸遂
大觀譬獲至寶也

先生季子予友方大將以是編刻傳竊
謂宇宙中如是書固不可少曰從更就
緒僭贅末簡以識歲月云時

弘治十八年歲在乙丑正月初十日

賜進士第行人司行人同邑後季蜀江歐
陽雲書

